



UNIVERSITÄTS-
BIBLIOTHEK
PADERBORN

Flores Meditationvm

Bebius, Philippus

Coloniae Agripp., 1623

Medit. 17. De exceptione Christi apud Caipha[m].

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)

improbos : sed timeamus ne coram Deo rei
simus, qui de nobis sententiam laturus est,
non ex sententijs hominum, sed iudicio suo.

6. Linguae maledicorum & detractorum ni-
hil omnino possunt nocere; quin potius si
velimus, plurimum nobis prodesse possunt:
siquidem cum humilitatem in nobis augeant,
meliores nos faciunt.



MEDITATIO XVII.

QVAE CHRISTVS A-
PVD CAIPHAM PASSVS SIT.

PVNCTA MEDITATIONIS.

- I. *Viri, qui tenebant IESVM cadentes* *Mat. 26.*
eum colaphis, expuerunt in faciem e- *Mar. 14.*
ius, & velarunt eam. *Luc. 22.*
- II. *Alij dantes palmas in faciem dice-*
bant: prophetiza nobis Christe,
quis te percussit?
- III. *Alij multa blasphemantes dice-*
bant in eum.

FIGVRA.

PHilistæi cum Samsonem luminibus *Iudic. 16*
orbassent, iusserunt illum coram se
ludere, & in ipsum scommata iaciendo se
recreabant.

M 2 PRO-

 PROPHETIÆ.

- Isa. 50. **C**orpus meum dedi percutientibus, &
 genas meas vellentibus.
 Ibid. Faciem meam non auerti ab increpanti-
 bus & conspuentibus in me.
 Zach. 12. Faciem tuam velabis, quia portentum de-
 dite domus Israel.
 Job. 3. Abominantur me & faciem meam con-
 spuere non verentur.
-

DOCUMENTA.

1. **F**aciem Christi conspuunt, qui impu-
 ris cogitationibus aut cupiditatibus
 animam suam, id est, Dei imaginem
 foedant.
2. Idem faciunt, qui Deo suam offerente
 gratiam, aut sanctis inspirationibus aliquid
 imperante, ipsi tamen non consuetas imper-
 fectiones deserere conantur, repugnant, & à se
 reiiciunt.
3. Diuinam quoque faciem Iesu deturpant,
 qui sine reuerentia & sensu pietatis, non ex-
 purgatis ex animo omnibus peccatorum sor-
 dibus, impuro ore, sanctissimum Domini cor-
 pus accipiunt.
4. Illudimus Christo, cura vel pauperes, vel
 alios Dei seruos contemptui & ludibrio ha-
 bemus.
5. Christo per linguam faciunt contume-
 liam, qui vel non satis reuerenter de rebus
 sacris loquuntur, vel cum sint religiosi, more
 secularium loquuntur, vel de proximo ea di-
 cunt, quæ nihil ad audientium fructum fa-
 ciant.

6. Oculos Christo obligant, qui factis excusationibus suas tegunt imperfectiones: qui que sine verecundia & timore Dei tam audacter, peccant, ac si non videret Deus.

7. Tunc item claudimus oculos Christo, cum Superiores nostros volumus esse cæcos, nos ipsos scilicet bono lumine præditus, id quod facimus, cum laboramus ut superiores se nostris, non nos illorum iudicijs nosmet accommodemus.



MEDITATIO XVIII.
DE NEGATIONE

PETRI.

PUNCTA MEDITATIONIS.

I. Petrus calefaciens se cum ministris, negat se nosse Christum, prima & secunda vice simpliciter: tertia vice cum iuramento, &c.

Mat. 26
Mar. 14,
Luc. 22.
Ioan. 18.

II. Gallo iterum cantante, Christus respexit Petrum, & recordatus est verbi eius.

III. Exiens foras Petrus fleuit amarè.

PROPHETIÆ.

A Bominati sunt me quondam consiliarij mei, & quem maximè diligebam aduersatus est me.

Iob. 19.

Inquilini domus mea, sicut alienum habuerunt me, & quasi peregrinus fui in oculis eorum.

Ibid.